

20111342965

L I G J

PËR NGARKIM ME BORXH TË QYTETIT TË SHKUPIT TE BANKA EVROPIANE PËR RINDËRTIM DHE ZHVILLIM SIPAS MARRËVESHJES PËR HUA PËR PROJEKTIN "ME KONCEPTE TË REJA PËR KOMUNIKACION EFIKAS PËR SHKUP MË TË PASTËR" PA DHËNIE TË GARANCISË SHTETËRORE

Neni 1

Qyteti i Shkupit ngarkohet te Banka Evropiane për Rindërtim dhe Zhvillim me hua në shumë prej 5 600 000 eurosh, të dedikuar për realizimin e Projektit "Me koncepte të reja për komunikacion efikas për Shkup më të pastër".

Neni 2

Kushtet dhe mënyra e shfrytëzimit të huas nga neni 1 i këtij ligji, përcaktohen me Marrëveshje për hua për Projektin "Me koncepte të reja për komunikacion efikas për Shkup më të pastër", që do të lidhet ndërmjet Qytetit të Shkupit dhe Bankës Evropiane për Rindërtim dhe Zhvillim.

Në emër të Qytetit të Shkupit, Marrëveshjen për hua nga paragrafi 1 i këtij neni, do ta nënshkruajë Kryetari i Qytetit të Shkupit.

Neni 3

Afati i pagesës së huas nga neni 1 i këtij ligji është 12 vjet, me grejs periudhë të përfshirë prej tri vitesh.

Shkalla kamatare është e barabartë me EURIBOR gjashtëmujor të rritur për 4,15 % në nivel vjetor.

Huaja do të paguhet në 18 këste gjysmëvjetore në çdo 20 prill dhe 20 tetor të vitit, duke filluar nga 20 tetori 2014 dhe duke përfunduar më 20 prill 2023.

Qyteti i Shkupit i paguan Bankës Evropiane për Rindërtim dhe Zhvillim provizion të njëhershëm në lartësi prej 67 200 eurosh.

Për shumën e mjeteve të patërhequra të huas nga neni 1 i këtij ligji, Bankës Evropiane për Rindërtim dhe Zhvillim i paguhet provizion në shumë prej 0,6% nga shuma e mjeteve të patërhequra ose të anuluar të huas në nivel vjetor.

Për detyrimet lidhur me huan nga neni 1 i këtij ligji, që nuk do të paguhet në afatet e parapara, do të paguhet kamatë ndëshkuese në lartësi të shkallës kamatare vjetore nga paragrafi 2 i këtij neni, të rritur për 2% në nivel vjetor.

Neni 4

Qyteti i Shkupit, huan nga neni 1 i këtij ligji, do ta paguajë nga Buxheti i Qytetit të Shkupit.

Neni 5

Ky ligj hyn në fuqi në ditën e botimit në "Gazetën Zyrtare të Republikës së Maqedonisë".